

三官北鄰明檢鬼營不得容隱金馬驛程普
告無窮萬神咸聽三界五帝列言上清

上清靈寶大法卷之二十三

上清靈寶大法卷之二十四

觀

洞微高士開光教若真人審全真授
上清三洞弟子靈寶領教誦師王契具筌

修齋轉誦門

誦經科條

經曰上聖已成真人通玄究微

此條非九世之人誦誦謂通玄究微能悉

其章者獲十品功德也

至學之士

謂至人學士誦之獲六品功德學士謂世

學之士誦之獲三品功德也

供養尊禮

謂一切學士行此功德獲五品善果

凡誦是經

亦謂已成真人再言自然功德果報度萬

祖苦爽上昇朱宮依朱陵品格九年更生

受化得為貴人自身功德滿日飛昇上清

金闕遊宴玉京也乃至學也止得自身受

度飛昇南宮不能功及曾祖也

世人受誦

止得延壽尸解返形太空一身不獲上度
朱陵之福曾祖難生受化也

魔王歌音

百遍名度南宮千遍魔王保迎萬遍飛昇

太空此是三界歌章非餘文也

有闍靈音

心形歸信諦聽誦者獲九品善果

行是功德

發心修齋燒香誦經者獲三品善果

右別至人

至學之人行是功德克獲為上清後聖帝

君金闕之臣

有知其音

中篇也謂如曉其文功力齊而獲八品福

報

此音

中篇之音有辟穰度成四種無量威神之

力誦者獲十六品祥應

齋金寶効心盟天而傳 依玄科四萬劫一

傳 齋金寶實心依舊格告盟十天

此三條乃傳付授受之條上天之科立四萬劫乃舊劫之格自黃帝受圖大禹受符高辛受天經至太極下教豈有四萬劫也依阿母降世新格下教之科四百年一出有其人四十年聽傳再付四百年共不得過七傳四年中有至人亦許一授而三條付受之科言二章大法及誦經之式也

長齋修誦例

道言正月長齋誦詠是經為上世亡魂斷地速後度上南宮

正月者上元天官會地水二官於上元紫微宮校諸功德名舉仙賞會之月役者有三塗役天塗驅雷役電即天官役也地塗擔砂負石即地官役也水塗連汲漂波即水官役也有長後鬼官者五嶽掃山鄴都役速隸山河壘治此鬼官之役也恐上世亡魂受諸塗役故此月宜長齋誦經度魂神上南宮也

七月長齋誦詠是經身得神仙諸天書名黃錄白簡削死上生

七月者中元地官會天水二官於中元陽臺宮校勤功過名慶生中會之月黃錄者天之金錄上生名也白簡者死錄也所謂金簡錄書生籍白簡削死字是也神仙所書之過名丹簡罪簿世人所書死籍名黑簿皆死名之部也故此月宜長齋修誦以度已身諸天書名告命黃錄白簡削死都死籍上生名而得神仙也

十月長齋誦詠是經為國王帝主君臣父子安鎮國祚保天長存世世不絕常為人君

十月者下元水官會天地二官諸天諸地諸水真聖仙靈星宿官曹鬼神主宰普校一切功過善惡於東極天之尾閭泄水之源清冷府中名普校建生大會之月宜長齋誦經為國王帝主君臣父子繼世不絕常為人君也此行此功德則諸天保舉紀其善功也師曰世有家訟纏身乃先亡訟於陰司逮及生人計運不利迺考後裔既為道子先於上元度七祖九玄斷其速後度上南宮次於中元自度其身削死簡上生

籍紀名諸天身得仙道然後於下元為國祝安帝王聖祚及依法安鎮有災之方謂以三十二天王宇安鎮其方則召諸天和氣以致民稱太平若學仙之士自身先亡長後三官速考延及其身死名注於黑簿既自無仙名又何暇為國為民行其功德所以三元之首自上及中次下皆須行道誦經則無玷科式矣

八節之日誦詠是經得為九宮真人

八節者四立二至二分也至日皆當面本

方修誦以消穰半季災數及消鎮其九州地分水火刀兵旱澇之厄得行是功可證九宮真人之位也

本命之日誦詠是經魂神澄正萬惡長存不經苦惱身有光明三界侍衛五帝司迎萬神朝禮名書上天功滿德就飛昇上清

本命者乃本生造化之日諸天所重今之下元生於五濁之世五情交攻六慾纏縛七魄得志三魂悲泣神炁兩亡空尸動作百邪競湊况三魂上屬三台總炁太玄生

府性好遊逸飛騰三界既遇生根立始本命來歸形中能於此日誦經拘制魂魄故魂神澄正而寧靜萬念不散而長存邪不外撓身有光明則三界神祇侍衛五帝靈官司迎但非止誦經如大洞諸法上清上道及養命法術皆用此日修誦乃為良日必無諸魔試之慮能行如此功德則萬神朝禮名書上天若功滿德就則魂飛上清其說三清天者四梵天之上太極宮所治太清十二天九仙所居九老所都後聖金闕所治次上清十二天九真所居玉皇道君所治次無上大羅玉清十二天九聖所居元始所治是天中之天三十六天也上清者太清之上玉清之下也

正月誦經長生久視太微玉符

五九 洗降 百神 萬靈
玄珠 三田 扶衛 臨軒

飛梵 通幽 網輪 達靈

右符正月佩服召東華真火齊滿之炁下入身中長生久視後天無窮

七月誦經長生久視九仙玄錄

萬帝 設禮 五行 金洞 受命
龍幸 太古 延生

右符七月佩服召靈兵毋湯色之炁下入身中以生金木土之炁長生久視久而行之身飛上清

十月誦經長生久視玉帝真錄

真元 朗煥 神變
散教 九衛 靈臺

梵響 周行 真炁
大虛 六合 潛扶

右符十月佩服召北方五炁五君萬賢之炁下入身中以生水木之炁長生久視後天無窮

八節誦經長生大帝久視之章


真炁 虛上 通微
八景 與日 得輔
散教 合弁 真炁

右符八節佩服召黃帝君務歆收之炁入身中以生土火之炁即得長生神朝玉真

本命誦經神霄玉清仙王降真寶錄

胎仙 淨煉 精神 常保 利貞

右肅 金衰 使神 七



已上符素地朱書密地行持勿以語人修真之士長生日面東南火化淨水服之

三官密誦

師曰度人上品鬱秀光芒上消天災下攘地禍外濟庶物內鍊百神行用之門以精專為首修誦之法以存念為先故使恚息調和音聲和暢想三炁之翳鬱會百神之森羅可以內鍊其躬外決於物修誦之旨入靖焚香定心平炁收光內現萬慮不干端坐直身倚側毋偻曲俾斗車之路不屈龍虎之炁綿綿然後誦經各有所主有

神誦心誦悉誦此外有意誦也若為天地

國主及天象可以神誦為災厄及他人祈禳可以心誦若度一切亡魂可以悉誦凡

有緊切須於密室中默誦神文方行章醮自始及終並合如法存思初一過誦序第

二過止自經始十過為一過誦畢納官密陳情悃出宅升神也

訣曰正月為上元行持在上官存自己嬰兒自丹田中隨三色雲炁升歸上官止六月一同九七月為中元行持在中官存嬰兒在中田止九月一同九十月為下元行

持在下官存嬰兒在下田止十二月一同九祈禳在上官九鍊炁在下官九為亡靈在中官也九行九種陰功及消穢災厄并自己度厄立功存身為元始懸坐空淨五

色獅子之上居日光中每為人誦經須存泥丸中宮元始下在絳宮仍攝析穢人陽魂來受經如元始授經與道君一例至誦經時須行定法方着耳徹聽天尊誦經琅琅如鐘聲下丹田悉誦三千遍中田三千

遍上田四千遍周一萬遍功也

行道修誦

經曰行道之日皆當香湯沐浴齋戒入室耳

師曰行道之日者謂應是誦經之日皆當香湯沐浴也香湯者五香之湯也

五香湯沐浴法

青木香 白芷 沈香 白檀香 甘松

右各以二十四銖治下篩用東流長泉一石煎數沸青木香者阿母大有三奇經云

乃五節之清香開塵濁之穢如誠奏上玄得以焚之開通塵穢五丈使道霄漢

訣曰以器盛五香湯先當解衣燒香於左就座存日月光華五色交錯入於五香湯中次存五色仙童五人玉女五人從五方

來燒香散花執巾執水在左右即以杓攪湯三十二下咒曰

五香玄水 日月華英 澡鍊身形 去濁流清 尸塵滅落 穢氣蕩除 胎結散根 策雲乘虛 飛入上清

咒畢即叩齒再咒曰

咒畢即叩齒再咒曰

太玄真液 鍊炁生靈 沐澤蒼華 誦誦洞經
七祖飛仙 我騰上清

咒畢叩齒三十二通先取飲一器溫涼自
適次以別器沐髮先念解髮咒曰

神宮振天 黑雲散開 流金火鈴 煥擲無邊

使我通真 遊行諸天 無量度人 招靈命仙

解了沐髮咒曰

日月之華 流晶泥丸 沐養九宮 百神忻懽

尸邪滅落 真師下觀 賜受神虎 得為帝寶

結了就浴解衣咒曰

五斗配衣 龍虎侍真 開明三景 上登玉宸

解衣成仙 使我長生

解衣畢就浴咒曰

靈池玉泉 灌我身形 內鍊五臟 外通九門

使炁開通 尸穢蕩清 萬過俱舉 入登帝庭

浴畢戴冠咒曰

雲層碧玄 使我通真 冠髻召仙 五炁攝真

神華發光 上升帝庭

冠畢着衣咒曰

神童侍衣 玉女燒香 登拜經室 玉音琳琅

度我七祖 游滅禍殃 延年長存 雲根寶漿


飲湯咒曰

黃神守關 青帝護魂 天鷲咆哮 萬魔喪精

尸血盡滌 青蟲滅形 七魄鍊化 紫雲自生

遊宴太玄 高真併軒

入室修誦例



經曰入室東向叩齒三十二通上聞三十二

天心拜三十二過閉目靜思身坐青黃白三

色雲炁之中內外蒼翳宜着青龍白虎朱雀玄

武獅子白鶴羅列左右日月照明洞煥室內

項生圓象光映十方如此分明

按道君皇帝御註度人經云東向者人間

望玄都即玉晨在東又始青在東北東為

生炁故行道入室迎而向之用以招延靈

炁者也叩齒之法左為天鐘伐鬼靈也右

為天磬集百神也中為天鼓朝真聖也入

室誦經思真念道叩齒三十二通心拜三

十二過內以盡其誠外以應其數內以集

神靈外以滅邪精夢以周至理上以格高

真修存上法無所不該者焉心拜之法當

存見天官帝君下灌一天真炁如玉霞之

輝入我身中咽納周布心拜神感誠念至

極故曰心拜過於形拜又曰修存上道止

以心拜則不傾側腦官正此義也主於召

出臣身中功曹使者等神俱我身中道炁

所化與道相通當運至真召出應妙關告

天境洞徹志意以契大道焉

修誦內用

師曰凡修誦先如前沐浴更衣畢凝神思

道入靖室前叩齒念入戶咒

四明功曹龍虎使者正一生炁侍請素女願

得開明童子上玄少女俱入黃房之內通達

祈啓皆得上聞急急如律令

次先入右足至案前設經東向上香叩齒

九過念心香咒

道由心合 信假香傳 手執玉爐 心存帝前

真皇下盼 仙佩臨軒 令臣關告 徑達重玄

次半坐先念淨口咒

丹朱口神 吐穢除氛 舌神正倫 通命養神
羅千齒神 卻邪衛真 喉神虎賁 炁神引津
心神丹元 令我通真 思神鍊液 正炁常存

次念淨身咒

靈寶天尊 安慰身形 弟子魂魄 五臟玄冥
青龍白虎 隊仗紛紜 朱雀玄武 侍衛身形

又咒

吾以自洗身 以月鍊形 仙人輔我 玉女衛形
二十八宿 與吾合并 千邪萬厭 遂咒而清
次瞑目靜心存東方青龍口吐兩合月華
白炁及腎水如大海中浴身洗去五臟穢
濁良久却自南方降真火同日精赤炁合
於心火燒身并靖室內外並無一毫烟穢
即覺大風吹盡塵垢存丹田中有嬰兒自
地戶步斗登壇來合我身默念

淨天地咒

洞中玄虛 晃朗大元 八方威神 使我自然
靈寶符命 普告九天 乾羅答那 洞罡太玄

斬妖縛邪 殺鬼萬千 中山神咒 元始玉文

持誦一遍 却鬼延年 按行五嶽 八海知聞

魔王束手 侍衛我軒 充穢消蕩 道炁常存
微吸四方真炁略吹遍身即想天地清淨
再存嬰兒變我身為元命真人冠裳簡履
如元辰本命納音服色存想既定然後疑
神就座次存自身威儀整肅心禮十方自
東為始每方心拜一拜訖東向平坐默念

開經玄蘊咒

雲蒙太虛 浩劫之初 乍選乍邇 或沈或浮
五方徘徊 一丈之餘 天真真人 按筆乃書
以演洞章 次書靈符 元始下降 真文誕敷
昭昭其有 冥冥其無 沈痾能愈 塵霧可浮
幽冥潛賴 由是昇仙都
即從頭誦經序至受經者身存五方五帝
玉童玉女每一方炁有二十四人合一百
二十人下降侍經案側次誦至飛昇上清
訣曰閉目靜思三十二天自此維起太黃
皇曾天由東入南以次周回四方每方各
有八天在青霄之中紫雲之內想東方八

天在左耳上繞西方八天在右耳上繞南

方八天在額前面北方八天在腦後面每

天有各色雲炁交沓各存天宮樓觀中有
帝君儼然而坐東八天青霓旒青服青裳
自北始向南行南八天青霓旒赤服赤裳
裳自西始東行西八天青霓旒白服白
裳自南始向西行北八天青霓旒白旒朱
裳自東始向西行各各侍衛羅列次存
神自太皇天起每一先天先默叩齒一通令
響應一天密誦帝諱運心誠上聞一天心
拜一拜形不可動但隨其心屈伏如身禮
也周回十方三十二過畢即運化上丹田
印堂出青色玄炁中丹田心出黃色元炁
下丹田膈下出白色始炁初出如絲漸漸
濃厚與外東青炁南赤炁西白炁北黑炁
自遂方降混合玄元始炁為三色雲炁先
次交絡一形次映滿室所坐几席無不周
遍兆身坐百寶光中雲炁洞徹于一身五
臟之中內外翳鬱旋繞一室然後出外圍
布一方兆咽液三過遂炁一口俱入丹宮

化作一條金梁三色直透泥丸分布運發
一真上朝元始上帝端坐于中一炁化玉
晨在左一炁化老君在右如此分明良久
冥合天地次運左手玉清訣直至辰文運
肝炁自一云左目出化青龍侍左一本云

衣真人駕乘次運肺中白炁一云鼻又出
為白虎衛右一本云上朝三炁真次運心

中赤炁自一云頂門又出為朱雀導前則一本
中有君王相輔之次運腎中黑炁自一云
眼端上朝三炁次運

脾中黃炁出下丹田臍下為獅子立下丹
田上載真人升舉仰頭上朝一云各根出

出以左手剔一云十二炁訣回至午上作瑞
鶴六六隻羅列四向一云自泥丸出九次

雙手剔已午未三宮訣于天廷之上高奔
雙目日月光華金素之炁一閃發出六鶴

分布兩眉前天廷之上乘炁而浮次存六
合之府小穴有日月出日有紫赤九芒

月有黃白十芒去面九寸洞煥一室燦若

金碧之色次存日月光華灌我鼻中入金
華宮腦後却自紫微玉枕之宮光凝景圓
項上發出九色圓象如虹蜺大如車輪
照徹十方存想一一分明訖次默念密咒
貪羅鬱羅默者謂語不出口耳不聞聲也

次口動微音出音元上至闍者所言即
具位默奏盡心中所欲言也至今日吉慶

長齋隨其自言之如非長齋即依本日
清堂修行至經如行三洞中盟之道即言
修行如常誦經則云清堂誦經至無量度

人或普度幽明可言無量或為一事則言
為某事至臣及甲乙若自己不宜云及甲

乙但稱臣轉經受生或為人看却稱為某
人或為自己及人乃依本文轉經者周回
十過之旨也至願所啟上徹徑御

无上三十二天元始上帝至尊几前畢一
至此或朝三天九引炁三十二過依前

自太黃皇曾天為始再天想降真炁如玉
霞之輝下灌兆身皆以鼻而吸咽之如東

八天炁存歸肝膽筋脉之間其精化生无

英公子住於肝中南八天炁存歸心胞神
府之間其精化生司命君住於心中西八
天炁存歸肺脾胃之間其精化生白元
尊神住於肺中北八天炁存歸腎臟骨節
之間其精化生桃康君住於臍下也引炁

周竟十方想真人在丹田中微音誦經初
一遍自道言昔於始青天中起至序末存

思訖次從元始洞玄誦起直至經末每十
遍一存思以十遍為一過十過為一轉也
十過既畢存神納官如式

師曰誦經之法各有所主有心祝微祝密
祝故心祝則心中神存意而祝也微祝則

自己可聞其聲也密祝口言而已使外人
莫曉其聲也又有神誦心誦炁誦所謂上
中下三田也此外有意誦各隨事之輕重

分所誦之内外耳誦則下聲而誦之誦則
朗吟以誦聲十言一咽津則養炁而潤澤

內官也一百言一啜齒則集真和神外保
不空尸竭神也如錯一字則上前三十字

以誦之如越一字更覆五十字以誦之未

過二章不得起居十遍一存思終章可食
 息也凡食息移時當即如前法思之不可
 言混淆俗心馳他境意不宗為上道高聖
 必真之法心不奉為三寶君師父母之文
 志不敬為翠玉華珍寶章形不禮於香火
 朝修拜跪口誦心驅形聲志別徒音聲以
 取德逞捷利以數敷差前說字誦誦神文
 何萬遍而望駕雲輶雖億數而反沈鬱憲
 則空尸誦經也徒咎道為虛語豈不知之
 自致須在受於師匠必然誦合天規若萬
 遍不登太空我道自招誑兆之尤終無仙
 真之位可證也受誦之子宜勉志哉無犯
 輕誦輕泄之愆犯之非道不慈天有明憲
 神不敢私

修誦旨訣

上品妙經中指上香道言
 昔於止咸得長生起兼簡道言至淨空而至
 上方一香一拜十方至去地五大心拜
 拜元始至飛升上清道言止沐浴齋
 戒中插中上入室至如此分明十二天

密咒曰三拜上无上玄元世官入
 元始上帝至尊三拜引元始上帝三十二
 元始洞玄至周四十方法文中有至臨軒
 上方東方无極至无量度人南方西
 方北方東北東南西南西北
 乾上方中指下方中指每一方上香
 文符一道於香爐中存神二指首白
 方至真至嘯歌豈豈五老途中指群
 仙至傾光回駕未監真度生諸天至
 解臣某祖考伏願云云至無色之境禁
 行東青西索南丹北玄四維三色雜雲上
 下黃玄名飾護守其大上明符十乘萬
 玄像三拜念咒再拜想朝存東方八天帝
 君服色心拜太黃皇會天帝止八天
 上香念天名拜鬱繼玉明念九赤青天自北始南行南方
 八天拜上香念天名赤明和陽天帝止八
 天拜南方八天咒在前理禁上真三赤赤
 始南行念同三西方八天拜二香念天名
 元戴孔昇天帝咒在前上香念白云八天
 九拜開真定光念七赤素天自南始北行
 存想開真定光念七赤素天自南始北行
 方八天拜上香念天名皓庭霄度天帝念

止八天拜北方八天咒在前惠覺昏五天
 上香告白云次九拜存想惠覺昏五天
 自西始東行念畢三十二天至欣慶受度
 三拜八天一同畢三十二天至欣慶受度
 文歷關至請滅某三惡目為法至東斗主
 算卯西斗記名西北斗落死子南斗上生
 文中斗大魁中青帝護魂白帝侍魂
 文酉赤帝養炁黑帝通血黃帝中主指
 中青天魔王赤天白天黑天好黃
 天中指五帝大魔中指中存魔三冠冕至
 嚴攝北鄴子神公受命紫微普掃不祥八
 威吐毒西猛馬四張天丁前驅中指大
 帥仗幡長文擲火萬里文流鈴八街文至
 金鉞前戮文巨天後刑文至溟洋大梵文
 至元始安鎮雙手至三十五分總炁上玄
 至辭參高真英魔王符存三界第一欲界
 二指第二色界上指第三無色界上指
 九誦經十過畢叩齒三十六通咽液三十
 六過心拜十方而起南面下座次東向立
 心禮三拜瞑目密祝曰
 臣某謹誦金書玉經十轉既竟乞發龍輶
 天神下降後使六丁九祖飛升我騰上清

11050224 18 31-0

次閉目叩齒九通咽液十過再北向心禮
三拜密呪曰

上皇太真使我升真清齋潔鍊誦誅金書
七玄拔散上朝太虛延年長存克名錄書
閉目叩齒九通咽液十過再東向密呪曰

臣誦經已竟向來所出身中三五功曹左右
官使者侍香金童傳言玉女五帝直符直日
香官各三十二人各還入臣身中後於宮室
毋令差互後召復到一如故事

精思還宮訖叩齒三通咽液三過上香瞑
目密呪曰

向來聽經衛經聖眾散壇解席各還所司神
風靜默山海爾清千邪伏匿百靈護形

存十方天真上聖各騰雲上天自東方為
始每方叩齒三通心禮三拜即以鼻引三

色雲炁吸入五臟次收神先收朱雀次青

龍三白虎四玄武五獅子六白鶴方總吸

一吸納真入泥丸想復本位叩齒三通咽

液三過畢

閉炁呪

天靈九宮 太一守房 百神混合 魂魄安康
長生久視 日月同昌 中指于午斗

朝謁誦詠升降寶境

訣曰九色圓象乃元始內觀之道有力五

色獅子運化五內五色毫芒合成碧玉之

色咽液一下瑞炁結成五色獅子立下丹

田心是蓮花上絳府真人乃身中元始天

尊懸座空淨者則真人乘花懸坐獅子是

道也

誦內音訣

按靈寶玉字經云九誦靈書中篇每方有

祝想之法

九誦東方六十四字重婁阿蒼云云叩齒

九通思九色之龍導引前後青雲九重覆

單身形念

東方密呪曰

亦明開圖 九炁回真 總統元闕 青帝大神
流化九外 纏綿我身 靈音金書 六十四篇
洞明天地 與我合仙 運致龍駕 上昇帝轅

呪畢引炁九咽止行之九年八天各以青

腰玉女青華玉童各八人侍衛身形致青

芽九炁之精生神光明微見虛元萬過道

備即得飛行七祖同福皆升南宮也

九誦南方南闕洞浮云云叩齒三通思朱

雀鳳凰翔於前後絳雲三重覆身念

南方密呪曰

三炁徘徊 靈鳳朱飛 玉音八字 煥爛紫微

吉日大慶 我道洞開 朱丹哺飴 仰吸靈暉

身生水火 絳帔羽衣 登空飛步 足踐鳳梯

周旋八天 七祖相隨

呪畢引炁三咽止行之三年八天各以太

丹玉女太陽玉童各八人侍衛身形降致

朱丹三炁之精及白留容萬劫不傾七祖

超升上入福堂反胎仙家即得長生也

九誦西方利禪猷云云叩齒七通思白
虎獅子道引左右素雲七重覆身念

西方密咒曰

七炁金靈八天尊神 白虎策輦 獅子捧轆
七炁纏綿 鍊或成仙 身登金光 映照素雲

內外變化 升入金門 七祖出夜 九幽旋魂
億劫開度 隨運長存

咒畢引炁七咽止行之七年八天各以素

靈玉童八人侍衛身形降致太素七炁之
薰停年留世萬劫童顏慶及七祖升度南

宮反胎更生世世仙家也

九誦北方覆無自育云云叩齒五通思飛

龍玄武羽蓋翁鬱左右覆匝身形神重玉
女羽衣飛裳侍衛身形念

北方密咒曰

玄天徘徊 流景上清 大有啓運 八字高明

飛玄澄空 洞陰自生 五炁纏綿 潛我身形

冠帶北單 受鍊洞靈 腎府北出 內外光精

飛行三界 遊宴紫庭 七祖同慶 歡樂劫齡

七寶林中 反胎更生 長夜出離 南宮記名

黃籙白簡 世世仙生

咒畢引炁五咽止行之五年八天各以太

元玉童八人侍衛身形降致靈滋五炁之
精還年留景保命三清慶及九祖世世仙
生也

生也

右四方內音若能依訣持誦則無所不辟
無所不禳無所不度無所不成飛天下觀
上帝遙唱萬神朝禮三界侍軒振伏群靈
肅清十方道備功成臣事三境矣

內誦

師曰凡一切修誦度厄消災制伏救治咒

祝百物摧滅凶妖攘鎮不祥辟斥光恠召

龍致雨請晴開光止水去火除瘟去害發

符咒水收束毒獸求仙修其七經八緯降

真召靈並須密誦靈書萬遍之後所欲立

至神通漸及十萬遍坐致自然造化無方

如遇大事書隱語火化吹揚或安岩谷石

上書寫或埋地中或沈水中採擇仙藥校

病皆用此靈書誦持之者依口訣

太乙誦千遍

白天尊誦千遍

司命誦千遍

桃康誦千遍

元英公子誦千遍

上清靈寶大法卷之二十四